

## Premi grischun da cultura, premis da renconuschientscha e da promoziun 2018

1. Il premi grischun da cultura 2018 vegn surdà a

### **Corin Curschellas (1956), Rueun**

La musicista da Rueun è chantadura, cumponista, perscrutadra, leadra d'ina band e promotura. Corin Curschellas è ina gronda vusch dal Grischun e da la musica mundiala. Il premi è dotà cun 30 000 francs.

2. In premi da renconuschientscha da mintgamai 20 000 francs vegn concedì a:

### **Madlaina Lys (1956) e Flurin Bischoff (1955), Lavin**

Madlaina Lys è chericra, Flurin Bischoff artist, tuts dus da Lavin. E tuts dus ensemen èn er ortulana ed ortulan. En ina cuminanza da lavur e da vita creeschan els in'ovra poetica complessiva da flurs, iert, pictura ed installaziuns traglischantas.

### **Christoph Meier (1950), Malans**

Il medi dal vitg da blers onns è ornitolog. El perscrutescha ils utschels sco scienza da la natira, lauda lur bellezza sco fotograf ed als curescha sco medi d'utschels. E sco pledader e scriptur s'engascha el a favur dal mantegniment dals spazis da viver dals utschels.

### **Ivano Nussio (1957), Puschlav/Brusio**

Il musicist da Puschlav è in dirigent abel ed instrumentalist renumà, magister da musica e politicher da cultura multifar, ch'è adina s'engaschè per la musica en il Grischun talian, en Engiadina ed en tut il chantun.

### **Nikolaus Schmid (1976), Malans**

El stat sin tribuna sco actur liber per tut las rollas da la vita, el gioga en films e prelegia. Ed el è in politicher da cultura engaschè per il teater e per il chantun da cultura Grischun.

### **Lucas Schwarz (1977), Trun/Turitg**

Il musicist da Trun cun sias ghitaras Fender da bass per jazz è ina pitga fidaivla ed in commember virtuos da differentas furmaziuns da jazz. Sco scolast e sco coach da bands è el collià en moda multifara cun la scena da jazz dal Grischun e da la Svizra.

### **Ludmila Seifert (1969), Cuira**

L'istoricra d'art da Cuira è in'experta da l'istorgia da l'architectura dal Grischun. Sco gestiunaria da la protecziun da la patria dal Grischun cumbatta ella nunstanclentaivlamain e cun success per la cultura architectonica.

### **Jules Spinatsch (1964), Turitg**

L'artist da fotografia, da video e d'installaziuns da Tavau viva e lavura oz a Turitg ed a Vienna. El ha influenzà la fotografia contemporana cun sias lavurs da format grond davart las cuntradiziuns tranter l'apparientscha e la preschientscha.

### **Roger Stieger (1968), Cuira/Scharàns**

Il tecnicist da glisch è in designer impurtant dal teater en il Grischun. El è in magi da la glisch per la tribuna.

## Communicaziun da la regenza, chanzlia chantunala dal Grischun, 7000 Cuira

3. In **premi da promoziun** da mintgamai 20 000 francs vegn concedì a:

**Petra Aleardi (1985), Grüşch/Berlin**

L'actura da Grüşch è en viadi en moda multifara sin tribunas ed en films. En il Grischun, en Svizra, en Germania.

**Josy Battaglia (1980), Puschlav**

Per sustegnair il talent litterar d'in giuven scriptur che descriva – partind d'impuls reals e cun plets ed istorgias che na paran mai trivials – autras realitads e che ans prenda cun sai sin in viadi cun persunas ed emoziuns che paran da viver dapi adina en nus senza noss savair.

**Martina Gemassmer (1991), La Punt/Lucerna**

La chantautura cun il num d'artista Linn sa cumbinar bain folk, pop, jazz, gospel e rock in cun l'auter. Ella sa preschenta en moda multifara, sa preparond per ina carriera empermettenta.

**Sara Francesca Hermann (1985), Samedan/Cuira**

L'actura trilingua è gia sco giuvna ina pitga da la gruppa da teater Mummenschanz che gioga sin tut il mund.

**Robert Jerjen (1999), Cuira/Turitg**

Il ballarin classic da Cuira è in grond talent sin la via en ina cumpagnia internaziunala.

**Band "Polyphone" (Marcus Petendi, Simon Steiner, Valentin Bezzola), Engiadina/Cuira**

Ils trais musicists èn bain per via, els sunan in sound agen e legher.

**Janic Sarott (1992), Scuol/Frankfurt am Main**

Il percussiunist e battarist da Scuol sa mova en moda segira tant sin il parchet classic sco er sin podiums da la musica da rock e da pop.

Ils premis vegnan surdads en il rom d'ina festa che ha lieu venderdi, ils 15 da zercladur 2018, en la baselgia da la claustra da Glion.

Gremi: regenza

Funtauna: rg chanzlia chantunala dal Grischun